

Rapport digl administratur pleiv catolica romana Trun, 2025

En miu emprem onn d'uffeci sco administratur hai plitost giu da prender investa da tut ils beins. Sur dallas activitats durant igl onn rapportel suandont ;

a) Casa pervenda Trun:

La casa pervenda Trun ha buca giu grondas reparaturas. In ferm vent veva alzau ora in barcun, il qual ei lu curdaus giu ella via Plaunca. Curtin e contuorn dalla casa ein manteni bein. Dus segapastgets ein stedi en funcziun. Pastg liung als urs e cagliom ei surdau da tagliar anavos tenor basegns. Tier l'entrada survart dalla casa pervenda ei previu da rugalar las plattas da crap e metter giu ina matta chei creschi buca atras il pastg. Tier l'entrada sut era quei gia vegniu fatg.

b) Schlans:

Il servis dil tuchiez dalla baselgia s.Gieri a Schlans hai jeu accumpignau. Tenor il montader fussi bien da remplazzar il pilotadi dil tuchiez.

c) Baselgia Zignau:

Muort scheltira ha il ventil per reducziun dalla pressiuin d'aua stuiu vegnir midaus. La lingia d'aua ei periclitada da schelar en. Igl apparat dils microfons ha disturbis e sto vegnir remplazzaus.

d) Casa pervenda Zignau:

En casa pervenda Zignau vein midau ora ina maschina da lavar vischala e la sava dall' entrada casa. Tiel clavau ei la canal tetg vegnida reparada. Il pli da basegns a Zignau fa il remplazzament dallas finiastras ella secunda habitaziun.

d) Beins:

La fundaziun baselgia s.Martin,Trun,ha scret ora per affittar la tegia da cuolm ad Aclamartin. Nus havein giu sis annunzias. La suprastonza ha surdau la tegia a Catrina Tomaschett da Camplun per 10 onns. Ils contracts dils praus affitai entras ils dus menaschis purils Thalmann e Küttel a Zignau ein vegni midai sil num dils dus fetgs Claudio Thalmann ed Andreas Küttel. Las cundiziuns ein restadas las medemas. L'entira parzella nr.1373 Mumelsia/Bova vegn ussa cultivada da Adrian Defuns. In tagl da lenna entuorn il cuolm dil Boden ha purtau entradas da frs. 11000.- D'ils treis clavaus sut Schlans hai jeu priu investa e fotografau. Lur stan ei schliats. Cun quei che negin fa diever da quels, vegnan els baul ni tard a daventar ina muschna.

Jeu engraziel cordialmein a tuttas calustras e caluster, sco era allas ugauas ed ugaus capluttas per la buna lavur ch'ei fan glentir onn ora.

Trun, avrel 2026

igl administratur :

Mattias Cadruvi